



**ԲԱՐՁՐԱՍՏԻՃԱՆ ՊԱՇՏՈՆԱՏԱՐ ԱՆՁԱՆՑ ԷԹԻԿԱՅԻ
ՀԱՆՁՆԱԺՈՂՈՎ**

Թիվ ՎԻՎ/04/2019

ՈՐՈՇՈՒՄ

ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

ք. Երևան

9 ապրիլի 2019թ.

Բարձրաստիճան պաշտոնատար անձանց էթիկայի հանձնաժողովը, կազմով՝ Բարձրաստիճան պաշտոնատար անձանց էթիկայի հանձնաժողովի նախագահի տեղակալ Արմեն Խուդավերդյանի, Բարձրաստիճան պաշտոնատար անձանց էթիկայի հանձնաժողովի անդամներ Էդգար Շաթիրյանի, Լիլիթ Պետրոսյանի (այսուհետ՝ Հանձնաժողով), նախագահությամբ՝ Է. Շաթիրյանի, քարտուղարությամբ՝ Լ. Պետրոսյանի,

2019 թվականի ապրիլի 9-ին, քննելով Հատուկ հանձնարարություններով նախկին դեսպան Լյովա Ազատի Սարգսյանի կողմից Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 169.28-րդ հոդվածի 1-ին մասով (հայտարարատու պաշտոնատար անձի կողմից «Հանրային ծառայության մասին» ՀՀ օրենքով նախատեսված հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» ՀՀ օրենքով սահմանված ժամկետում չներկայացնելը) նախատեսված առերևույթ վարչական իրավախախտում կատարելու հատկանիշներով հարուցված գործը՝

ՊԱՐԶԵՑ

1. Վարչական իրավախախտման վերաբերյալ գործի վարույթի նախապատմությունը

1. Հանձնաժողովը, իրականացնելով «Հանրային ծառայության մասին» ՀՀ 26.05.2011թ. ՀՕ-172-Ն օրենքի (այսուհետ նաև՝ Օրենք) 43-րդ և 43.1-ին հոդվածներով իրեն վերապահված գործառույթները, Էլեկտրոնային հայտարարագրերի ռեեստրի տվյալների ուսումնասիրության արդյունքներով

պարզել է, որ Հատուկ հանձնարարություններով նախկին դեսպան Լյովա Ազատի Սարգսյանի 2018 թվականի պաշտոնական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը (այսուհետ նաև՝ Հայտարարագիր) հանձնված և հրապարակված հայտարարագրերի ցանկում առկա չէ:

2. Հատուկ հանձնարարություններով նախկին դեսպան Լյովա Ազատի Սարգսյանը իր 2018 թվականի պաշտոնական պարտականությունները դադարեցնելու օրվա (01.10.2018թ.) դրությամբ առկա գույքի, եկամուտների և փոխկապակցված անձանց հայտարարագիրը պարտավոր էր Հանձնաժողով ներկայացնել իր պաշտոնական պարտականությունները դադարեցնելու օրվան հաջորդող 30 օրվա ընթացքում:

3. Վերոնշյալի առնչությամբ 2019 թվականի մարտի 28-ին կազմվել է թիվ Հ/04/2019 արձանագրությունը՝ Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 1-ին մասով նախատեսված առերևույթ իրավախախտման հատկանիշներով:

4. Հանձնաժողովի 28.03.2019 թվականի թիվ ՎԻՎ/04/2019 որոշմամբ հարուցվել է վարչական իրավախախտման վերաբերյալ թիվ ՎԻՎ/04/2019 գործի վարույթը և նշանակվել է վարչական իրավախախտման վերաբերյալ գործի քննություն՝ 2019 թվականի ապրիլի 9-ին, ժամը 12:00-ին:

5. 28.03.2019թ. թիվ ՎԻՎ/04/2019 վարչական վարույթի նյութերը՝ 28.03.2019թ. Հ/04/2019 արձանագրությունը, Հանձնաժողովի 28.03.2019թ. ՎԻՎ/04/2019 որոշումը, նիստի մասին ծանուցումները, վարույթի մասնակցի իրավունքների և պարտականությունների մասին հուշաթերթիկը, հայտարարագրերի ռեեստրից քաղվածքը տեղադրվել են Հայաստանի Հանրապետության հրապարակային ծանուցումների պաշտոնական ինտերնետային կայքում (<http://www.azdarar.am>), նույնականացման համար՝ 473191: Լյովա Ազատի Սարգսյանը պատշաճ ծանուցված է համարվում հրապարակային ծանուցումների պաշտոնական ինտերնետային կայքում ծանուցումը տեղադրելու օրվան հաջորդող հինգերորդ օրը, տվյալ դեպքում՝ 02.04.2019թ. (Վարչական իրավախախտումների վերաբերյալ ՀՀ օրենսգրքի 283-րդ հոդված):

6. 09.04.2019թ. նշանակված վարչական գործի քննությանը պատշաճ ծանուցված Լյովա Ազատի Սարգսյանը չէր ներկայացել:

7. Հանձնաժողովի արձանագրային որոշմամբ գործի քննությունը շարունակվեց պատշաճ կարգով ծանուցված Լյովա Ազատի Սարգսյանի բացակայությամբ:

II. Գործի քննության ընթացքում հաստատված հանգամանքները

8. Հանձնաժողովը, ուսումնասիրելով և վերլուծելով թիվ ՎԻՎ/04/2019 գործում առկա նյութերը, կատարելով գործի հանգամանքների քննություն,

հաստատված է համարում, որ Լյովա Ազատի Սարգսյանը Օրենքով սահմանված ժամկետում Հանձնաժողով չի ներկայացրել իր 2018 թվականի պաշտոնեական պարտականությունները դադարեցնելու օրվա (01.10.2018թ.) դրությամբ առկա գույքի, եկամուտների և փոխկապակցված անձանց հայտարարագիրը:

III. Որոշումն ընդունելու իրավական հիմքերը

9. Լյովա Ազատի Սարգսյանն Օրենքի 32-րդ հոդվածի ուժով հանդիսանում է գույքի, եկամուտների և փոխկապակցված անձանց մասին հայտարարագիր ներկայացնելու պարտականություն ունեցող անձ:

10. Օրենքի 33-րդ հոդվածի 1-ին մասին համապատասխան՝ հայտարարատու պաշտոնատար անձինք պաշտոնեական պարտականությունները դադարեցնելու օրվա դրությամբ հայտարարագիրը Հանձնաժողով են ներկայացնում այդ օրվան հաջորդող 30 օրվա ընթացքում:

11. Օրենքի 32-րդ հոդվածի 6-րդ մասի համաձայն՝ հայտարարատու պաշտոնատար անձի կողմից հայտարարագրերը Օրենքով սահմանված ժամկետների պահպանմամբ Հանձնաժողով չներկայացնելն առաջացնում է օրենքով նախատեսված պատասխանատվություն:

12. Օրենքի 43-րդ հոդվածի 1-ին մասի 7-րդ կետի համաձայն՝ Հանձնաժողովի գործառույթներից է հայտարարատու պաշտոնատար անձի կողմից Օրենքով նախատեսված հայտարարագրերը Հանձնաժողով օրենքով սահմանված ժամկետներում չներկայացվելու դեպքում օրենսդրությամբ սահմանված կարգով վարչական իրավախախտումների վերաբերյալ գործեր քննելը և վարչական տույժեր նշանակելը:

13. Օրենսգրքի 169.28-րդ հոդվածի 1-ին մասի համաձայն՝ հայտարարատու պաշտոնատար անձի կողմից Օրենքով նախատեսված հայտարարագիրը Հանձնաժողով Օրենքով սահմանված ժամկետներում չներկայացնելն առաջացնում է նախազգուշացում:

14. Օրենսգրքի 244.17-րդ հոդվածի համաձայն՝ Օրենսգրքի 169.28-րդ հոդվածով նախատեսված վարչական իրավախախտումների վերաբերյալ գործերը քննում և վարչական տույժեր է նշանակում Հանձնաժողովը:

Ելնելով վերոգրյալից և ղեկավարվելով «Հանրային ծառայության մասին» Հայաստանի Հանրապետության օրենքի 32-րդ հոդվածի 6-րդ մասով, 43-րդ հոդվածի 1-ին մասի 7-րդ կետով, Վարչական իրավախախտումների վերաբերյալ Հայաստանի Հանրապետության օրենսգրքի 23-րդ հոդվածի 1-ին մասով, 25-րդ հոդվածով, 37-րդ հոդվածի 7-րդ մասով, 169.28-րդ հոդվածի 1-ին մասով, 244.17-րդ հոդվածով՝

**Բարձրաստիճան պաշտոնատար անձանց էթիկայի հանձնաժողովը
որոշեց.**

1. Լյովա Ազատի Սարգսյանի կողմից իր 2018 թվականի պաշտոնական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» Հայաստանի Հանրապետության օրենքով սահմանված ժամկետում չներկայացնելու համար Լյովա Ազատի Սարգսյանի նկատմամբ կիրառել «նախազգուշացում» վարչական տույժը:

2. Վարչական իրավախախտումների վերաբերյալ Հայաստանի Հանրապետության օրենսգրքի 40-րդ հոդվածին համապատասխան՝ վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որի չկատարելու համար նշանակվել էր վարչական տույժ:

3. Լյովա Ազատի Սարգսյանին տեղեկացնել, որ Վարչական իրավախախտումների վերաբերյալ Հայաստանի Հանրապետության օրենսգրքի 169.28-րդ հոդվածի 2-րդ մասին համապատասխան՝ վերոնշյալ վարչական տույժի կիրառումից հետո՝ 30 օրվա ընթացքում, հայտարարագիրը չներկայացնելը առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

4. Սույն որոշումը կարող է բողոքարկվել ՀՀ օրենսդրությամբ սահմանված կարգով և ժամկետում:

5. Սույն որոշումն ուժի մեջ է մտնում Լյովա Ազատի Սարգսյանին այն սահմանված կարգով հանձնելու (հանձնված համարվելու) հաջորդող օրվանից:

Հանձնաժողովի նախագահի տեղակալ

Հանձնաժողովի անդամներ

Ա. Խուդավերդյան

Է. Շաթիրյան

Լ. Պետրոսյան